

बच्चन के ले बाइबिल
देत है



रूत: एक प्रेम
कहानी



द्वारा लिखत: Edward Hughes

द्वारा चित्र: Janie Forest
Alastair Paterson

द्वारा अनुकूल: Lyn Doerksen

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



अगर तुम अपने परदादा-परदादी- - उनके अम्मा बाप, अउरु बइ सब लोग होंई जो तुमसे पहिले तुमारे परिवार मा पइदा भै होंई, तउ तुम कित्तो अचंभो करिअउ अउरु जनिअउ कि बइ सब कइसे लोग हते।

बाइबिल मा, 'यीशु के सांसारिक बड़े-बूढेन मा से एक रूत हती जो एक मोआबिनि – मूर्तिपूजा कन्न बाली हती।



शिमशोन के समय के बादि इस्राएल मा रूत को किस्सा शुरू भौ, जब प्रभू के लोगन ने परमेश्वर पइ भरोसो अउरु उनके हुकुम को मनिबो बंद करि दौ। देश मा एकु जानलेवा अकालु परो। का तुम अकाल के बारे मा जान्त हउ? हाँ जा सही बात हइ! अकाल को मतलबु होति हइ कि कोई फल या फसल नाइ हुई, अउरु कभऊँ तउ जानवर कभऊँ तउ लोग जासे भूखे मन्न लगत हंड।



एकु आदमी, एलीमेलेक, रोटी की तलास मा अपनी अउरत अउरु दुई लड़िकन के संग बैतलहम से निकरो। अउरु बउ मोआव देश कौ गओ, जहाँ लोग मूर्तिन की पूजा कत्त हते।



मोआब मा

एलीमेलेक अउरु

बाके परिवार के लै हालति अच्छी नाइ हती। बउ मरि गौ
अउरु बाके बादि दोनउ लड़िका मरि गौ। केवल बाकी अउरत,
नाओमी,

किल्योन

एलीमेलेक

महलोन

‘अउरु बाके दोनउ लड़िकन की अउरतई, रूत अउरु ओर्पा बाके
संग बची हती। दोनउ लड़िकिनी मोआब की रहन बाली हती।




नाओमी, जो अब एक विधवा थी, बाने जा सुनी कि यहोवा ने अपनी प्रजा की सुनी हइ, अउरु उनई रोटी दइ हइ। बाने अब अपने देश कौ लउटन को फइसला करो। लेकिन बई दोनउ लड़िकिनी का करिहीं? नाओमी ने उनई सलाह दइ कि अब तुम दोनउ मोआब मा रहउ अउरु अपने दूसरो बिआउ करि लेउ।



ओर्पा बापिस अपने परिवार के तीर चली गई। लेकिन रूत ने मना करि दइ। जाके बदले मा, रूत ने अपनी सासु के लै एक अच्छी बात बोली जिसमा बाइदा हतो, कि बा अपनी सासु कौ कभऊँ नाइ छुड़िही।








नाओमी के पुराने दोस्त बहुत खुशी हते कि बा बापिस अपने घर बैतलहम मा आई गयी हती। लेकिन बाने उनसे कही हमइ अब नाओमी मतलब (खुशी) कहन की जघा “मारा” मतलब (करूओ) कहउ करो। “क्योंकि सर्वशक्तिमान परमेश्वर ने मेरे संग बहुतइ खरो ब्यवहारु करो हई।” रूत के अलावा नाओमी अपने संग अउरु कुछु लइके नाई लउटी हती।



हांलाकि रूत ने मोआब मा जादातर
मूर्तिपूजा करी हती, पर बा सबकुछ छोड़िके
अब इस्राएल के जिन्दा परमेश्वर की पूजा
कन्न लगी हती। रूत कठिन मेहनति कत्ति
हती कि नाओमी कौ ठीक से रोटी मिलि
पाबइ। रोजु बा खेतन मा नउनी कन्न बालेन
के पीछे बाली बीनन जाति हती।





बोअज, खेत के मालिक ने सुनी, कि रूत बाकी सासु कौ अच्छे से देखति भाति हइ। जब बउ बासे मिलो, तउ बोअज ने नउनी कन्न बालेन कौ हुकुम दौ कि बइ जानिबूझिके मुट्टी भरि बाली पीछे छोड़ि देइं करे, जिससे बाई मदति मिल सकइ। बोअज रूत कौ चांहन लगो।





जब रूत ने बोअज
अउरु बाकी अच्छाई
के बारे मा नाओमी
कौ बताई, तउ बूढी
अउरुत ने परमेश्वर
की तारीफ़ करी। “बउ
आदमी हमारो एकु
रिश्तेदारु हइ, हमारो
पड़ोस के भइयन मा
से एकु हइ।”





समय गुजरन पइ, बोअज रूत से बिआउ करिबो अउरु बाके परिवार की जमीन की देख रेख करिबो चांहति हतो। लेकिन एकु अउरु नजदीकी रिश्तेदारु जिसके तीर पहिलेई से मउका हतो। बउ आदमी जमीन ता चांहति हतो – लेकिन रूत कौ अपनी दुलहिन के रूप मा नाइ चांहति हतो। कनून के हिसाब से बउ एक कौ राखि के दुसरे कौ छोड़ि नाइ सकति हतो।



उन दिनन मा, लोग सउदा पक्की कन्न के लै हाँथ नाइ मिलाउत हते। बोअज ने अपनो जूता उतारो अउरु समाज के लोगन के सामने बा दुसरे आदमी के हाँथ मा दइ दौ। सउदा को निपटारा हुई गौ। रूत अब बाकी दुलहिन बनि गयी हती। अब बा अउरु नाओमी बाके परिवार के हिस्सा हते।



बोअज़ अउरु रूत ने अपने
पहिले लड़िका कौ ओबेद
नाऊ से पुकारो। बउ
इस्राएल के महान राजा,
दाउद को दादा बनो।



लेकिन जैसे जादा आशीषित बात जा हई कि, जउ बालक ओबेद प्रभू यीशु मसीह को पुरिखउ हई। प्रभू यीशु मसीह राजन के राजा अउरु दुनियां के उद्धारकर्ता होन के लै दाउद के वंश से आये।



रूत: एक प्रेम कहानी
परमेश्वर के वचन से बाइबिल की एक कहानी
में पायी जाती है

रूत

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन के लिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

